



職方典第一千五百八卷

蒙化府部彙考二

蒙化府風俗考

通志府志合載

士人冠婚皆用家禮民間相尙以樸質飲食服用視列郡爲儉

敦樸恬雅土風醇厚絕無

浮誇

人民樸實易治無悍

士安誦讀鄉鄙輕薄

蒙化川原夷坦山谷幽深氣暖

風和民醇士朴男安耕讀而憚經商女樂織紡而薄脂粉語言質實不事浮誇服食淡泊不趨侈靡鄉黨勉於忠厚士夫恥尙奔競凡婚喪燕祭一準乎禮俗耕和易焉近因流寓者日競驕奢習染者亦從而傲蕩則又不可不防其微杜其漸其歲時伏臘享祀饋遺之節大略同於通省惟沿段蒙餘習崇釋信道頗甚於他郡其山谷羣彝男婦以青布蒙首體掩羊皮而城市漢人亦多效之此蓋不善變者也

蒙化府祠廟考

府志

風雲雷雨山川壇在府城東

社稷壇在府城北

郡厲壇在府城東北

城隍廟在

府城西門內

旗纛廟在府城外

關帝廟在城內太平街

八蜡祠在明志書院內

武侯祠在明志書院內

武安王廟在府城西

龍王廟在東山麓錦溪上流

真武

廟在府城西

元壇廟在府城西南

三官廟在府城西

東嶽廟在府城東門外

土主廟在府城東三里

寺觀附

等覺寺在府城東南隅蒙氏所建明永樂間重修內有毘盧閣輪藏殿觀音殿燃燈殿習儀之

所 圓覺寺在府城東山七里明成化間重修

拱城寺在城南三里

伏虎寺在府

治東南莊里蒙氏時建世傳西僧俱盧稱等驅二虎拽木剏建

慧明寺在郡北三十里旁

有玉皇閣

雲隱寺在龍圩圖山

勝光寺在郡西五印山

竹掃寺在府城東南七

十里居萬峯中竹韻松濤清幽絕俗

延真觀在郡東三里知縣李奇英建康熙十年修

懸珠觀在府城東五里創自蒙詔明成化間拓建爲近城諸刹之冠殿前有觀音并病者飲之

卽愈按明一統志前有蓮池構亭其上以爲遊賞之所

元真觀在府城東北隅

清微

觀在郡南巍寶山

冷泉庵在等覺寺外

永壽庵在文昌宮左

慈雪庵在府內東

南隅

雪壑庵在雲隱寺右二里許

萬松庵在何頭巡檢司上郡紳陳于宸建

馬

神廟在東門內

十王殿在嶽廟右郡人朱鳴時建

蕭公祠在城外東北隅江右客民

建

祈豐寺舊係左氏宅營將陶英改建

太平寺在童家廠上卽童氏所建上有茶花

奇豔爲合郡之魁

降龍寺爲蒙氏之遺今已圯山麓新建有蘇家寺

華嚴寺在南莊

下

孔雀寺在左三村

雲淨寺在南廠上

龍護寺在西山盡處內有龍池相傳常

有龍見故名

圓融寺在郡北巡檢司村今圯

低坡寺在竹掃寺下松杉環遶幽靜宜

人

祇林寺在五印山之左

普陀寺在五印山之北郡人柳民建

玉峯寺在西窰

左下有三元宮

玉泉寺在公郎巡檢司今圯康熙二十二年客民顧永昌重建

二真

觀郡紳張烈文建

眞君觀江右客民建

三清觀在西紙房

聽月庵在圓覺寺之

左僧雲從建

正覺庵在南門外郡人李姓建

法雲庵在府城東北今廢

彌陀庵

在永壽庵左

三教庵在冷泉庵右

淨蓮庵郡人宣氏宅改建

西竺庵在西門內

漸圯今郡人陳翰等增建

回龍庵鎮將劉僎修

月波庵在河上灣

是何庵姚氏

建郡人陳佐才重修

淨度庵在燕子窩上

三聖庵在甸北

翠濤庵在鼠街

慕劬庵在郡南二十里郡人范悅母歿廬於墓側旋建斯庵故名慕劬

觀音閣在封川橋

南 準提閣卽拱城山

古皇宮卽藥王廟在府治東北隅同知楊天眷暨郡人梁朝柄

鼎建殿宇宏敞庖湑僧寮咸備有梁朝柄暨約勒於碑

朝陽洞在清霞觀後五里許康熙

十六年間建

龍華院在元珠觀之左明永樂間郡人范祺登山覽勝時有白鸚鵡示現集

於林間掘地得紫金觀音僧爰建院焉祺兄威遠將軍福置常住器用以佐厥成年深漸圯後

裔范悅重修

文昌宮在城內東隅衛揮使楊溶建代有增修康熙九年同知張善化將守

道署舊址給帖撥爲本宮香火宮後有郡紳陳迪吉送入閣樓一座郡人宣廷式捐資改建桂

香閣魁星宮在文昌宮左久毀康熙五年郡人王明汲陳明需梁朝柄張錦蘊孫縉等募建增

修 金甲殿在文昌宮右康熙二十四年郡人梁朝柄張錦蘊梁藻徐丕揚范逢源等募建

地係段潤所送

蒙化府驛遞考

府志

開南驛在城外今裁

漾備驛今裁

漾備堡去城百餘里昆明永昌之大道舊係漾備

驛設有土流驛丞官吏今裁驛歸堡原設堡夫六十七名內逃亡故絕三十名止存三十七名

又各里站馬十匹每馬編夫三名共三十名通共六十名有冷飯田今往來撥應俱漾備巡檢

司帶管

在城鋪

甸中鋪

甸頭鋪

合江鋪

三臺嶺鋪

石佛哨鋪

鷄邑鋪

羅求場鋪

中火鋪

公郎鋪

備溪江鋪

瓦房哨鋪

驛前鋪以上各鋪其

設鋪役二十九名每名年該給工食銀三兩六錢

蒙化府兵制考

通志

皇清復滇兵制

楚姚蒙景鎮總兵官康熙二十年改永北鎮爲今鎮駐楚雄府

中左右遊擊三員

守

備三員

千總六員

把總十二員

馬戰兵二百四十名

步戰兵九百六十名

守兵一千二百名

蒙化府物產考

通志

穀屬

御麥穗長而粒大麪微黃

紅鬚麥有五色鬚長花開於頂子結於幹五六月方熟

花穀

落子

矮老

黑毛

麻絲

老鴉翎

背子

糯穀

香糯

背子糯

黃糯

矮老糯

蠶豆形類蠶又名南豆花開面向南也

黃黍穗垂如尾

粟黃白二種

高粱莖甚

長有黃白二種

蘆粟類高粱而矮

稗米稗長芒二種

馬豆子小不可食其苗卽

苜蓿

蔬屬

木耳各山皆有

鷄菱又名蟻墪

莧紫者爲上出漾濞

蘿菔色白者不一種四時

皆有惟冬月者甚大又紅黃二種惟冬春有之

菓屬

桃大小數種而黃者爲最佳

栗出漾濞

丁香柿卽軟棗

無花果不花而寔結於

枝葉之交乾者可治喉痹演略名曰古度

鎖梅黃黑二種黑者卽覆盆子

香櫟有二

年者更香美

花屬

蘭四季皆有春蘭硃蘭百日虎頭蘭玉蘭蓮瓣蘭各類不一惟春冬者最香又有魚子蘭珍珠

蘭 雞爪花類素馨香微遜之

刺牡丹又名海榴紅

蓮有紅白錦邊三種

葵

五色俱全千葉者佳

龍爪紅黃白三種

素馨蔓生花白而香堪結架爲花棚一名那

悉茗陸賈爲之記女人以絲貫盤於髻南詔以爲宮人之飾

鐵線牡丹有二種

秋海

棠有三種

丁香有白紫二種

美人蕉卽珊瑚花

菊有二十餘種

報春卽金

梅花

芭蕉有二種

桃有碧桃迎春絳桃二紅芙蓉醉仙俏桃波斯桃各種

山茶

舊傳有七十二種今惟止數種而已

杜鵑亦有五色數種

海棠有垂絲桃葉鐵腳各

種 山枇杷花如蓮九瓣而香與安寧曹溪寺之優曇花同類 石榴大紅粉紅二種

木槿紫白二種 刺桐俗名鸚哥花 桂有丹黃白三種花大者曰金桂結子 蠟梅

有尖瓣磬口二種 粉團紅黃白三種白者香甚 玉堂春花白蕊紅

草屬

火草能取火 鬼箭草茅之屬

木屬

楷俗名黃練 栗有黃白刺三種

藥屬

防風有杏葉竹葉二種 草麻子有光刺二種 紫石英出滄浪江岸 石扁豆出山

澗 沙溝大僅如指同演之金線 土人參一名西參

石黃 紅花 酥酒

貨屬

自然銅 鐵出西山百里外一本而分剛柔二種因炭遠峭深採取甚難

蒙化府古蹟考

通志

鐵柱在郡東箐口北一里許高七尺五寸徑二尺八寸諸葛亮南征時鑄上有建極十三年壬辰四月庚午朔十有四日癸丑鑄十九字按建極乃南詔酋龍僭號恐年久剝落當時添補之也 石箭在蘭滄江巡檢司北二里許有石長七尺徑二尺上銳如鏃下圓如幹相傳武侯

之遺

盟石在府北二十里張樂進求讓國細奴邏邏祝曰我當得國劍砍入石劍果入石

三寸今石上猶有劍痕

蒙舍城址在府北卽古城村也張氏讓國後細奴邏築此城以居

龍吁圖城在府北雲隱寺塔邊尙有所遺石柱細奴邏後徙居於此

貝忙山後城有十六

門亦如太和城龍吁圖之制不能及也

甸尾石人在城南五里陽江之西相傳蒙氏時贊

陀囉哆尊者埋五百土工於其下上建寺鎮之今寺址尙存每陰雨其下石人隱隱行動如欲

逐人居民惡之擊斷其手足更以土坑埋之其崇始息

碁盤石

天耳石天耳山有大

石色赤狀如耳相傳郡中計事甚密山人便覺

蒙氏寨在盟石上五里許孤高陡峻旁

無支幹後挖三壕皆深丈許今上猶有瓦礫礮石之類

金牛山寨亦蒙氏屯營之所遺址

尙存

繫馬椿在城北三十里許有石椿屹立路左相傳蜀漢前將軍關興繫馬於此

挖鐘衝在城南十里相傳譙樓之鐘爲龍所吸至此聞其鉦然之聲愈挖愈下究不可得

溫泉在封川山麓蒙詔湯池也相傳細奴邏母病浴此輒愈今郡人冬春二季咸往浴焉

冷水塘在城北二十里橋頭村上山澗清流湧出坎止爲池春夏之交左右村民攜牲禮祭賽

就澗沐浴云能去病立夏日更盛

白塔在南薰橋北岸大路下今圯止有塔盤相傳爲武

侯所建又因與文廟相對一名文筆塔

蟲蝗塔在蟲蝗山上

龍軒山塔與蟲蝗塔對

亦古人所建鎮地之物今塔盤損圯過半不治將頽矣

蝙蝠洞在西窰下深一里中多蝙蝠

如巷外狹清泉流溢內寬如堂乾燥平坦可坐百餘人上有暗洞旁有側門遊者多持火炬始

得入

石門在漾濞東北蒼山之後也丹巖翠壁幽奇絕倫儼一石門天然劈劃曲徑紆迴

旁多怪石流覽之際令人有天台武陵之想榆人李元陽有遊石門記

陵墓附

御史雷應龍墓在城南鷄鳴山

山人范寅墓在城北天策堡係孝子舉人范運吉親負土

石葬父所壘

光祿左重墓在城南梯子坡死王事勅贈

太僕卿周二南墓在城東屏

風山征闖逆死難勅贈

徐烈女墓在城北教場上本府同知陳文成并闖郡士民公葬

蒙化府土司考

通志

土知府

元時左青羅爲順寧府同知傳至禾爲九部火頭順寧司通事明洪武中歸順仍爲火頭後官兵征高大惠等逃竄禾招諭遂降因授知州永樂中左伽以兵與麓川戰於大侯州以功累陞中憲大夫臨安府知府掌州事正統中晉州爲府遂實授知府沿至左近嵩死子星海襲

皇清平滇星海投誠仍授世職子世瑞襲

漾濞驛土官尹義明初從征佛光寨授驛丞今革除

蒙化府部藝文一

元珠觀記

明張志淳

蒙城之東山數里許舊有元珠觀基舊之創始無攷相傳唐之中葉蒙氏盛強蜀人有以黃白之術售於蒙詔者蒙人俾卽其地設蒙化觀以爲修煉之所今之觀其遺墟也蒙氏中微臺殿榛蕪幾何年矣天朝宣德紀元今觀主王仲元之父德清乃儒官之裔流寓蒙中感異人指授得祈禳神術蒙人長少亦咸以異人禮之嘗從靖遠伯王公建奇功爲勢家所嫉乃卽觀基之旁構屋數椽星冠緇服託跡老氏以自廢是蓋儒者之用權知德清者亦不以是少之德清卒葬於其山屋當東北有神道焉葬未幾仲元與其伯氏俱壯指其屋曰茲惟吾父棲神之所也可使與彼觀居混乎仲元乃市材鳩工謀於今太守左侯禎之祖卽古觀基構尊禮玉皇之殿鑄其像及他門廊廡舍凡觀之所宜有者豪右之家亦多義而助之不數年間巨細畢舉又構數屋集郡中學老氏者居之以奉其祀扁曰元珠還其舊也仲元故儒家少與伯氏婚宦族徹土之毛其入足以自給仲元偕其伯氏仲澄仲明日相與優游於厥父所構之堂時烝時享情與文俱足以慰所天於九原之下矣若觀中之有事與凡祝老氏者之營營仲元概莫之與也仲元讀儒書通理道嘗沾隱疾留心軒黃岐扁之書以自變蒙中痼瘥有不乞靈老氏而必之仲元以資其濟者歲常數十百人仲元不憚勞瘁走而全之弗

以利觀旁有一原仲元將營以自老出觀西北數百武有封蔚然其高可隱者是也仲元爲人其篤於親親篤於處人大率類此元珠之建意固有在是烏可以凡爲老氏者例視之耶

蒙化府志序

朱光霽

孔子曰有天地然後有萬物有萬物然後有男女有男女然後有夫婦然後有父子有父子然後有君臣有君臣然後有上下有上下然後禮義有所措周禮曰惟王建國辨方正位體國經野設官分職以爲民極志之原也是故文獻不足孔子憾乎夏殷用在人存成周之文郁郁乎然則好古敏求固夫子之素志諸侯去籍軻也如之何哉秦火方熄漢興蕭相汲汲圖籍班馬奮起壽勝嗣興於是紀傳昭乎國史譜牒藏於家乘詞賦極其鋪張記說該乎諺俚數千百年秉筆者不知其幾而後世得有所考不抵於俚俚焉者志也志也者可不謂要乎匪文匪獻又孰從爲志耶吾蒙僻在金馬碧雞之外數百里山川阻深憶昔六詔稱雄奄有裔土雖交趾成都尙爾吞噬入朝天子比之單于金細錦袍寵賚不一況百蠻鳩集諸部蟻聚何敢抗乎是故語蒙者不曰九隆肇興則曰細奴受命瀛令穹碑頌揚功德識者鄙之賈嗣纂蒙趙楊繼逆運移段氏宋祖斧斷華風斬然必烈拾取

委而去之段孽復振分治相抗猶之燭火仰惟聖神功化自有範圍奇器深契鴻鈞當天兵取滇時
惟洪武十三年九月是年雲南平又明年大理平而乃留其數十萬布之各衛若所卽異乎諸葛武
侯三不易之見諸彝環而視之犁其庭據其穴俛仰不一喘如羊豕然人知制馭蠻莫過於此而
不知速化之道正在此也是以至今百九十年諸彝染吾華風深山窮谷傾耳官談強弩利刃甘心
國法若冰消於春池酒融於糟丘作之者不知其勞而化之者莫測其機且徙民實塞秦漢歷代往
往未臻其效霽也嘗遊西北之區昔之連城巨柵今則靡有子遺而受降寥寥城於河外萬姓傷心
同乎草野未覩今日萬分之一蓋前代英雄知其一未知其他師其迹未握其要者也惟我聖祖聰
明一闡演圖卽謂風和氣厚之地君子道興之所故老相傳巍乎煥乎豈不曰吾滇可以莫安中國
之民而不變百蠻之習其在茲乎諸軍雖有離憂久乃樂土也一時捐棄萬世藩屏也況有大將體
國世忠處置得宜者乎吾蒙在滇域之內譬之四體毛髮尙通乎血氣吾蒙豈毛髮比耶霽也蒙人
也激感漸濡之餘斯志之不容不作也作者每於沿革盡精載籍遍索人文靡遺物華畢露然後爲
至嗚呼博矣可以泛志乎他而不可以獨志乎吾蒙也蒙也者譬之身也天下者猶夫衆人也古云

博於物而不博於身何博之謂也用是精思吾蒙之所以有今日者由我聖祖開闢之功累世相漸之化而用夏神術尤當載之故未敢以軍旅之事甲冑之流置之末簡若是府衛非異而兵農合一道也志之巨目有四而羣目附於巨目之中一曰建置二曰形勝三曰人物四曰文字猗歟休哉文武並用萬世長策忠孝大倫斯民直道志所以資治而治道在於明倫明倫也者則又變轍之首務也故曰所以行之者一也志也者可以徒作也哉竊嘗見先進西麓方伯田公輯其鄉思南府志像齋兵憲田公序諸首簡曰今仕者戀中朝內郡鄙邊方一閫除書卽神氣沮喪默默就列一切自利冀朝夕脫去爲幸何暇及民然則思南之民固無負於郡縣長吏爲郡縣長吏者獨忽以邊方鄙思南之民乎吾蒙較思南遠更數千里田公之言尤爲深中嗚呼斯志之不容已也杜甫云炎風朔雪天王地只在忠良翊聖朝豈獨思南然哉

星回節勝賦

官直

時維未伏之將終俗懷血食之舊義氓皞皞兮樂業居往往兮競馳以星之回爲令於豳之肉敷施上祀祖禰自慶禋祺是以貢途者沒渡河者危朗然麗天者囊攜而晦率然應坎者數解以卑烏金

蓋世兮芳聲空烈白首冠遼兮色像徒稀髯主簿兮雖多未艾長喙參軍兮無殃已而刺心弗俟
乎袁固禳田但聞乎淳于掩豆肩絕擁捐目疵豈虞塗膏以御氣匪表刺人以博嗤實乃演雲之造
化營彼魯律之伯師干羣脫縮兮靡恤孩腹饕餮兮罔訾饌美蒸兮詎煩乎陽貨飼豐乳兮奚侈乎
王濟牢九旨資兮弗屑餽飽精鑿兮亾腴胡効陸母兮寸度堪笑朔郎兮矜持爾室我家兮瓶罄匪
忌黃童白叟兮讙恥無辭忘具饌之匱匱甘貧賁而怡怡自朝至暮兮響振闔閭由外向內兮墮困
媼姬甘美和調於蔬茹辛辣主宰於葫葵解穢溫中兮曰宜此後騰香益氣兮咸可蓼莪美欲獻君
兮甜脆綠綺奇而拂士兮芬必青絲身累百贅兮渤海長味種分三色兮破地良錐毛女兒兮紫赤
羅帶腐婢奴兮淋水蓑衣羊眼虎沙鵲嘴兮高架睥睨貓頭鴈喙菽茨兮優殿伸思佛婆指甲兮味
殷雋永驢駝布袋兮品麗珍奇碧玉削玉而葫蘆貫水元髮石髮而粘魚鬚樹鷄樂羣兮鷄墮鷄
腔既云集矣桑鵝寄生兮鵝炙鵝醢統而從之諸葛綸巾兮丕具君遷箭搭兮胥伊文林郎兮壺居
士協供寅味甘露子兮鳳輪兒共助諸僂星宿摘來於王母天地試重於鍾馗魍魎駢置葭同歸
八角千鍼兮千金一致百昌五子兮五母攸宜簪有美兮玳瑁錦尚綱兮荔枝鹽裙鮮兮介拖白練